

針灸中

肝病第一五十一法

治眼諸法

攢竹主目視不明眈眈目中熱痛及瞶針入一分留二呼寫

三吸徐徐出之忌灸宜出血塗鹽

膚腎白膜覆瞳人目闇及眯雀目冷淚目視不明努肉出皆

針睛明入一分半留三呼寫五吸冷者先補後寫復補之


雀目者可以留十吸然後速出

視眼喝不正口喝目瞶面動葉葉然眼赤痛目眈眈冷熱淚

目瞼赤皆針承泣在目下七分匡骨中當瞳子直下陷中

入二分半得氣即寫忌灸

目闇不明鍼中者入二分留三呼寫五吸灸七壯炷如雀矢



大在手小指次指本節後間眯目偏風眼喎通睛耳聾鍼
客主人一名上關入一分久留之得氣即寫亦宜灸日三
七壯至二百壯炷如細竹筋大側卧張口取之眼暗灸天
椎下第十節正當脊中二百壯唯多佳可以明目神良灸
滿千壯不假湯藥

肝勞邪氣眼赤灸當谷一百壯兩邊各爾在眼後耳前三陰
三陽之會處以手按之有上下橫脉是與耳門相對也

肝俞主目不明灸二百壯小兒寸數斟酌灸可一二七壯

治目急痛不可遠視灸當瞳子上入髮際一寸隨年壯

治風醫灸手中指本節頭骨上五壯炷如小麥大逐病左右
灸之

治風痒赤痛灸人中鼻柱二壯仰卧灸之

治目卒生醫灸大指節橫文三壯逐左右灸之

治眼暗若一眼暗灸腕後節前陷中两眼暗两手俱灸隨年壯

治温病後食五辛即不見物遂成雀目灸第九椎名肝俞二百壯永差

治脚轉筋法

治脚轉筋鍼內崑崙穴在內踝後陷中入六分氣至寫之又灸承山隨年壯神驗

第二十一椎主腰背不便筋轉痺灸隨年壯

治筋攣轉筋十指筋攣急不得屈伸灸足外踝骨上七壯

治失精筋攣陰縮入腹相引痛灸中封五十壯又下涌灸五

十壯两脚一百壯此二穴亦主喉腫厥逆五藏所苦鼓脹

悉主之老人加之五十以下及小兒並隨年壯

治轉筋脛骨痛不可忍灸屈膝下廉橫筋上三壯

腹脹轉筋灸臍上一寸二七壯

治癥瘕法

少腹堅大如盤盪胃腹中脹滿飲食不消婦人癥聚瘦瘠灸

三焦俞百壯三報之

灸內踝後宛宛中隨年壯

灸氣海百壯

久冷及婦人癥瘕腸鳴泄痢繞臍絞痛灸天樞百壯三報之

勿鍼臍兩傍各二寸

積聚堅滿痛灸脾募百壯章門是也

治癥瘕患左灸左患右灸右第一屈肋頭近第二肋下即是

灸處第二肋頭近第三肋下向肉翅前亦是灸處初日灸

三次日五後七周而復始至十止唯忌大蒜餘不忌

又灸關元五十壯

又灸臍上四指五十壯

膏肓俞兩穴主無病不療方



先令病人正坐曲脊伸兩手以臂著膝前令正直手大指與膝頭齊以物支肘勿令臂得動也從甲骨上角莫索至甲骨下頭其間當有四肋三間灸中間依甲骨之裏去甲骨容側指許摩脂去表肋間空處按之自覺牽引有中灸兩甲內各一處至六百壯多至千壯數百壯當氣下龍龍然如流水當有所下若停淡宿疾亦必下也此灸無所不治主諸羸弱瘦損虛勞夢中失精上氣欬逆及狂惑妄誤皆有大驗若病人已困不能正坐當令側卧挽上臂令前索孔穴灸之求穴大較以右手從左肩上升住指頭表所不及者是也左手亦然及以前法灸若不能久正坐伸兩臂者亦可伏衣襪上伸兩臂令人挽兩甲骨使相遠不爾甲骨覆穴不可得也所伏衣襪當令大小有常不爾則前却失其穴也此穴灸訖後令人陽氣盛當消息自養令得平復其穴近第五椎相準望求索

腹脹轉筋灸臍上一寸二七壯

治癥瘕法

少腹堅大如盤孟胃腹中脹滿飲食不消婦人癥聚瘦瘠灸

三焦俞百壯三報之

灸內踝後宛宛中隨年壯

灸氣海百壯

久冷及婦人癥瘕腸鳴泄痢繞臍絞痛灸天樞百壯三報之

勿鍼臍兩傍各二寸

積聚堅滿痛灸脾募百壯章門是也

治癥瘕患左灸左患右灸右第一屈肋頭近第二肋下即是

灸處第二肋頭近第三肋下向肉翅前亦是灸處初日灸

三次日五後七周而復始至十止唯忌大蒜餘不忌

又灸關元五十壯

又灸臍上四指五十壯

膏肓俞兩穴主無病不療方



治頭重臂肘重法

頭重風勞灸腦戶五壯鍼入三分補之

頭重不能勝灸腦戶下一寸半

身體重四肢不能自持灸脾俞隨年壯鍼入五分補之

身重嗜眠不自覺灸天府五十壯鍼入三分補之

身重灸水分百壯鍼入一寸補之

體重四肢不舉灸天樞五十壯忌鍼

身重腫坐不欲起風勞脚疼灸三里五十壯鍼入五分補之

又灸足太陽五十壯鍼入三分補之

臂重不舉灸肩井隨年壯可至百壯鍼入五分補之

又灸足澤三十壯鍼入三分補之

第一椎名大杼無所不主俠左右一寸半或一寸二分主頭

項痛不得顧首中煩急灸隨年壯

諸煩熱時氣溫病灸大椎百壯鍼入三分寫之橫三間寸灸之

心煩上氣灸肺俞鍼入五分

心煩短氣灸小腸俞

又灸巨闕期門各一百壯鍼入五分

又灸心俞百壯鍼入五分

頭身熱灸胃管百壯勿鍼

煩悶憂思灸大倉百壯

煩熱頭痛鍼虎口入三分

煩躁恍惚灸間使三十壯鍼入三分

骨熱煩骨滿氣悶鍼三里入五分

身體煩熱鍼中府

又灸絕骨五十壯



左手關上陽絕者無膽脉也苦口中無味一云苦恐畏如見

鬼多驚少力刺足厥陰治陰在足大指間或刺三毛中

左手關上陽實者膽實也苦腹中不安身軀習習刺足少陽

治陽在足第二指本節後一寸

俠膽俞傍行相去五寸名濁浴主胃中膽病隨年壯

膽虛灸足內踝上一夫名三陰交二十壯

治吐血法

虛勞吐血灸胃管二百壯亦主嘔逆吐血少食多飽及多睡

百病

凡口鼻出血者名曰腦衄灸上星五十壯

吐血唾血灸脊堂百壯忌鍼

吐血腹痛雷鳴灸天樞百壯

吐血唾血上氣欬逆灸肺俞隨年壯



吐血酸削灸肝俞百壯

吐血嘔逆灸手心主五十壯大陵是

吐血灸頸項上二七壯

心病第三一十八法

心俞各灸二七壯主心病老小減之不能食脊中滿膈上逆氣悶熱皆灸之

卒心疝暴痛汗出刺大敦左取右右取左男左女右刺之出血立已

俠巨闕兩邊相去各半寸名曰上門主脊中痛引腰背心下嘔逆面無滋潤各灸隨年壯

凡顏色焦枯勞氣失精肩背痛手不得上頭灸肩髃百壯穴在肩外頭近後以手按之有解宛宛中

當心下一寸名巨闕主心悶痛上氣引少腹冷灸二七壯

脉不出鍼不容兩穴在幽門兩傍各一寸五分

健忘忽忽鍼間使入五分掌後三寸

心裏懊懷徹背痛煩逆灸心俞百壯

心痛如錐刀刺氣結灸膈俞七壯

心痛冷氣上鳩尾上一寸半名龍領灸百壯不鍼

心痛惡氣上脅痛急灸通谷五十壯在乳下二寸

心痛暴惡氣又心灸巨闕百壯

心痛背脅痛灸期門隨年壯

心痛堅煩氣結灸太倉百壯

心痛暴絞急欲絕灸神府百壯附鳩尾正當心有忌

背痺心痛灸臑中百壯忌鍼兩乳間

心痛灸臂腕橫文三七壯

心痛灸兩虎口白肉際七壯



小腸病第四

八十一法
訣二首

左手關前寸口陽絕者無小腸脈也苦臍痺少腹中有疝瘕
主月即冷上捨心刺手心主治陰在掌後橫文中入一分
左手關前寸口陽實者小腸實也苦心下急熱痺小腸內熱
小便赤黃刺手太陽治陽在手第二指本節後一寸動脈
俠中管兩邊相去半寸名曰陰都灸隨年壯主小腸熱病
俠臍兩邊相去一寸名魂舍灸一百壯主小腸洩利膿血小
兒減之 又灸小腸俞七壯

灸風眩法

以繩橫度口至兩邊既得度口之寸數便以繩一頭更度鼻
盡其兩邊兩孔間得鼻度之寸數中屈之取半合於口之全
度中屈之先覓頭上迴髮當迴髮中灸之以度度四邊左右
前後當繩端而灸前以面為正並依年壯多少一年凡三灸

皆須瘡差又更灸之壯數如前若速灸火氣引上其數處迴
髮者則灸其近當鼻也若迴髮近額者亦宜灸若指面為癢
則闕其面處然病重者亦不得計此也

治卒癩法

灸陰莖上宛宛中三壯得小便通即差當尿孔上是穴

又灸陰莖頭三壯

又灸乳頭三壯

又灸足大指上聚毛中七壯

又灸督脉三十壯在直鼻人中上入髮際三報之

又灸天窻百會各漸灸二百壯炷惟小作

一法灸耳上髮際各五壯

治卒中邪魅恍惚振噤法

鼻下人中及兩手足大指爪甲令文炷半在爪上半在肉上



狂炷不止十四壯炷如雀矢大作之
狂鬼語鍼其足大拇指爪甲下入少許即止

治夫人癩小兒驚癇法

灸背第二椎及下窮骨兩處以繩度中折繩端一處是脊骨
上也凡三處畢復斷此繩作三折令各等而參合如么字
以一角注中央灸下二角俠脊兩邊便灸之凡五處也以
丹注所灸五處各百壯削竹爲度勝繩也

狂風罵詈擗斫人名爲熱陽風灸口兩吻邊燕口處赤白際
各一壯

又灸陰囊縫三十壯令人立以筆正注當下已卧却核卵令
上乃灸之勿令近前中卵核恐害於陽氣也

卒發狂言鬼語法

以甌帶急合縛兩手大指便灸左右脅當對屈肘頭兩處火

俱下各七壯須臾鬼語自道姓名乞去徐徐語問乃解其

手

狂癩不識人癩病眩亂灸百會九壯

狂走瘈瘲灸玉枕上三寸一法頂後一寸百壯

狂邪鬼語灸天窻九壯

又灸口吻十五壯

狂癩哭泣灸手逆注三十壯在手腕後六寸

狂走驚癩灸河口五十壯在手腕後陷中動脈此與陽明同

也

狂癩風癩吐舌灸胃管百壯不鍼

又灸大幽一百壯

又灸季肋端三十壯千金云云
狂走癩癩

狂言恍惚灸天樞百壯



又灸間使三十壯狂狂論云治

狂走喜怒悲泣灸巨覺隨年壯在背上俠內側反手所不及

者骨芒穴上六分捻之痛是也關俞云巨

狂和驚癇灸承命三十壯在內踝後上行三寸動脈上

又灸巨陽五十壯風驚厥逆心癲

又灸足太陽五十壯狂癲鬼語

又灸足少陽隨年壯癲癇狂易

又灸足陽明三十壯走驚恍惚

狂走癲厥如死人灸足大敦九壯大指三灸足

狂走罵詈灸八會隨年壯在陽明下五分

狂癲驚走風恍惚喜罵笑歌哭鬼語吐舌悉灸上星腦戶

風池手太陽陽明太陰足太陽陽明陽蹻少陽太陰陰蹻

足跟志道平土



驚沛心忪少力灸大橫五十壯

邪鬼妄語灸懸命一十四壯在口脣裏中央絃絃者是一

鬼祿一法以鋼刀決斷絃絃乃佳

狂邪鬼語灸伏兔百壯

又灸慈門五十壯和論云治悲泣

悲泣鬼語灸天府五十壯

狂邪發無常披頭大喚欲殺人不避水火者灸間使男左女

右隨年壯

狂走刺人或欲自死罵詈不息稱鬼神語灸口吻頭赤白際

一壯

又灸兩肘內屈中五壯

又灸背胛中間三壯報之

驚狂走灸內踝上三寸近後動脈上七壯

